

## Հույնե ԱՎԵՏԻՄԱՅԱՆ

### ՍԻԶԱԶԳԱՅԻՆ ԵՎ ՆԵՐՊԵՏԱԿԱՆ ԻՐԱՎՈՒՆՔԻ ՀԱՐԱԲԵՐԱԿՑՈՒԹՅԱՆ ՎԻՃԱԿՆ ՈՒ ՀԵՌԱՆԿԱՐՆԵՐԸ

Ներպետական (ազգային) և միջազգային իրավունքի հարաբերակցության հիմնախնդիրները կաղուց են գրավել պետության և իրավունքի ընդհանուր տեսության, սահմանադրական և միջազգային իրավունքի բնագավառի մասնագետների ուշադրությունը.<sup>1</sup> Դա պայմանագրպահ է պետությունների միջազգային համագործակցության զարգացման օրյեկտիվ գործընթացներով և յուրաքանչյուր պետության, այդ բվում և Հայաստանի Հանրապետության ներսում տնտեսական, սոցիալական, քաղաքական և մշակութային հարաբերությունների վրա միջազգային իրավունքի ներգործության ուժեղացմամբ:

Հայունի է, որ ներպետական (ներքին, ազգային) իրավունքը<sup>2</sup> և միջազգային իրավունքը իրենցից ներկայացնում են երկու՝ հարաբերականորեն ինքնուրույն համակարգեր, որոնք ունեն իրենց ծագման պատմությունն ու բնույթը, ընդհանուր հատկանիշներն ու առանձնահատկությունները: Պետությունների ազգային իրավունքն ի սկզբանե ձևավորվել է որպես իր տարածքի սահմաններում երկրի ներքին հարաբերությունների կարգավորիչ: Հայաստանի Հանրապետության ներքին իրավունքի ձևավորման օրինաչափություններն ու ուղիները, չնայած այս հարցի շուրջ զանազան տեսակետների գոյության, բավականաչափ ուսումնասիրված չեն:

Միջազգային իրավունքը ձևավորվել է որպես յուրահատուկ իրավական համակարգ, որտեղ արտացոլված են ողջ մարդկային քաղաքակրթության զարգացման օրինաշակություններն ու պատմական ուղիները: Այդ պատճառով էլ ժամանակակից միջազգային իրավունքը հանդիսանում է պետությունների և ժողովուրդների ինչպես պայքարի, այնպես էլ համագործակցության արդյունք: Այն իրենից ներկայացնում է նորմերի և սկզբունքների ամրողություն, որոնք կարգավորում են պետությունների և միջազգային իրավունքի այլ սույնեկտների միջև հարաբերությունները:

Բնութագրելով միջազգային իրավունքի բովանդակությունը և հետևելով Ս. Վ. Չերնիշենկոյին՝ կարելի է ասել, որ միջազգային իրավունքը «մի կողմից հանդիսանում է իրավունքի մաս ընդհանրապես»:<sup>3</sup> Դա նշանակում է, որ այս կամ այն պետության ներքին իրավունքին և միջազգային իրավունքին հատուկ են այնպիսի գծեր, առանձնահատկություններ և տարրեր, որոնք իրենց արտացոլումն են գտնում ունալ իրականությունում, մասնավորապես՝ իրավունքում:

XX դարի երկրորդ կեսը պայմանագրված է մարդու իրավունքները պաշտպանելու համար միջազգային իրավունքում անձանց և կազմակերպությունների երևան գալով: Սրա արդյունքում միջազգային իրավունքը թափանցեց մի ոլորտ, որը միշտ համարվում էր պետության ներքին գործը: Մարդու իրավունքների հարգումն ու պահպանումը դարձավ ոչ միայն միջազգային, այլև ազգային իրավունքի կարևորագույն սկզբունքներից մեկը, իսկ մարդու իրավունքներին նվիրված միջազգային իրավունքի համընդիանուր ճանաչում գտնած սկզբունքներն ու նորմերը ներառվեցին բազմաթիվ պետությունների, այդ բվում և Հայաստանի Հանրապետության սահմանադրություններում, որոնք հոչակվել են որպես ուղղակի ներգործության նորմեր:

Նշված միտումների իրացմանը նպաստել է նաև միջազգային իրավունքի ավանդական բաժանումը երկու ենթաճյուղերի՝ հանրային և մասնավոր: Ընդ որում, եթե միջազգային հանրային իրավունքը կարգավորում է պետությունների միջև հարաբերությունների մասին հոմանիշներ:

<sup>1</sup> Stev. 'Овощая теория государства и права: Акад. курс в 2-х т. / Под ред. М. Марченко, М., 1998. т. 2, стр. 247-249; 'Проблемы теории государства и права/ Под ред. М. Марченко, М., 1999, стр. 417- 433; И. Лукашук, 'Международное право. Овощая часть, М., 1996. стр. 219-245.

<sup>2</sup> «Ներպետական», «ներքին», «ազգային» իրավունք սերմինները հողածում օգտագործվում են որպես հոմանիշներ:

<sup>3</sup> С. Ч е р н ի շ ե ն կ օ, 'Международное право: современные теоретические проблемы, М., 1993, стр. 11.

ուորյունները և ըստ էության հանդիսանում է միջազնուական, ապա միջազգային մասնավոր իրավունքը համարվում է միջազգային միայն պայմանականորեն, քանի որ կարգավորում է քաղաքացիական, ընտանեկան, աշխատանքային, քաղաքացիա-դատավարական հարաբերություններ, որոնք ընդգրկում են «օտարերկրյա տարրեր» և դուրս են գալիս մեկ պետության սահմաններից:<sup>4</sup> Այդ պատճառով էլ միջազգային հանդիսական և մասնավոր իրավունքները շոշափում են իրավունքի տարրեր ոլորտներ, որոնք ունեն և ընդիանություն (միջազգային) գծեր, և առանձնահատկություններ:

Այսպէս՝ միջազգային հանդաւային իրավունքի գարգացումը բնորոշվում է կիրառման ոլորտների էական ընդարձակմանը (մասնավորապես, միջազգային ատոմային, օդային, տիեզերական, էկոլոգիական, քենական և իրավունքի այլ ենթաճյուղերի առաջացմանը): Միջազգային հանդաւային իրավունքը միջազգային մասնավոր և ներպետական իրավունքներից տարրերում է նորմերի ծագման պայմաններով, իրավունքի աղբյուրներով, կարգավորման օրյեկտներով, իրավահարաբերությունների սուբյեկտներով և երաշխիքներով: Մասնավորապես միջազգային իրավունքի նորմերի առաջացումը բնութագրվում է նրանով, որ այսուեղ չկան պետություններից վեր կանգնած մարմիններ և հաստատություններ, որոնք սահմաննեն վարդագծի համապարտադիր կանոններ: Այսուեղ գերիշխում է տարրեր պետությունների փոխադարձ կամքի՝ կոնվորմիսի ներողը: Այդ իսկ պատճառով էլ միջազգային իրավունքի աղբյուրներից շարքում կարևորություն տեղը պատկանում է միջազգային պայմանագրին:

Մի շաբթ պետությունների Սահմանադրություններ (ԱՍՆ, Ֆրանսիա, Գերմանիա, Շվայցարիա, Ռուսաստան, Հայաստան և այլն) ամրագրում են միջազգային պայմանագրերի առաջնայնությունը ներպետական հարաբերությունների կարգավորման մեջ: Այսպէս, ԱՍՆ-ի Սահմանադրության 6-րդ հոդվածը (1787թ.) սահմանում է. «Միացյալ Նահանգների ներկա Սահմանադրությունը և օրենքները, ինչպես նաև մյուս բոլոր պայմանագրերը, որոնք կնքվել են և կարող են կնքվել Միացյալ Նահանգների կողմից, հանդիսանում են երկրի քարձրագոյն օրենքներ, և յուրաքանչյոր նահանգի դատավոր պարտավոր է դրանց կատարման համար (թեև Սահմանադրության և առանձին նահանգների օրենքներում հանդիպում են նաև հակասող որոշումներ- Լ.Ա.):»<sup>5</sup> Համանման դրույթ է սահմանված նաև ՀՀ Սահմանադրության 6-րդ հոդվածի 4-րդ մասում, համաձայն որի՝ «ՀՀ անունից կնքված միջազգային պայմանագրերը կիրավում են միայն վավերացվելուց հետո: Վավերացված միջազգային պայմանագրերը Հանրապետության իրավական համակարգի քաղկեցուցիչ մասն են: Եթե նրանցում սահմանված են այլ նորմեր, քան նախատեսված են օրենքներով, ապա կիրավում են պայմանագրի նորմները»:

Սահմանադրական այս դրույթից քացի, Հայաստանի Հանրապետության բոլոր օրենքները պարունակում են դրույթ, համաձայն որի՝ տվյալ օրենքի և Հայաստանի Հանրապետության միջազգային պայմանագրի նորմերի միջև հակասության դեպքում կիրավում են միջազգային պայմանագրի նորմերը: Օրինակ, Հայաստանի Հանրապետության Քաղաքացիական օրենսգրքի 10-րդ հոդվածում ուղղակիորեն նշված է, որ գործերը քննելիս դատարանը կիրառում է Հայաստանի Հանրապետության միջազգային պայմանագրերի նորմերը վերջինիս և Հայաստանի Հանրապետության օրենքների նորմերի հակասության դեպքում: Նման դրույթ ամրագրված է նաև Հայաստանի Հանրապետության դրեսկան դատավարության օրենսգրքի 3-րդ հոդվածում:

Փաստորեն Հայաստանի Հանրապետությունը պայմանագրերը վավերացնելու փաստով ոչ միայն ճանաչում է պայմանագրերի պարտադիր բնույթը, այլև ընդունում է, որ դրանք գերակայում են իր օրենքների նկատմամբ: Հայաստանի Հանրապետության Սահմանադրության 6-րդ հոդվածում նշված է, որ Հայաստանի Հանրապետության անունից կնքված միջազգային պայմանագրերը կիրավում են միայն վավերացվելուց հետո: Մինչև վավերացվելը միջազգային պայմանագրերը պարտադիր քննվում են Հայաստանի Հանրապետության Սահմանադրական դատարանի կողմից՝ նրանցում ամրագրված պարտավորությունների սահմանադրականությունը պարզելու նպատա-

<sup>4</sup> *Международное частное право / Овт. ред. О. Н. Садиков/, М., 1984. стр. 5.*

<sup>5</sup> *Современные зарубежные конституции, М., 1992, стр. 23.*

կով: Ըստ որում Սահմանադրական դատարանի որոշումը վերջնական է և փոփոխման ենթակա չէ: Այս հանգանակն ինարկե, մեր կարծիքով, Հայաստանի Հանրապետության Սահմանադրության թերությունն է, քանի որ արտաքակտ վերահսկողության միջոցով դժվար է վերհանել այն հակասությունները, որոնք կարող են ի հայտ գալ պայմանագրի՝ կոնկրետ դեպքերում կիրառման ընթացքում: Այնուամենայնիվ, պայմանագրի սահմանադրականության որոշման իրավասություն ունի նրան Սահմանադրական դատարանը: Հետևապես, Հայաստանի Հանրապետության դատարանները պարտավոր են կիրառել միջազգային պայմանագրերի նորմները, նույնիսկ դրանց սահմանադրականության վերաբերյալ կասկածներ ունենալու դեպքում:

ՀՀ Սահմանադրությամբ և «Միջազգային պայմանագրերի մասին» Հայաստանի Հանրապետության 16. 08. 2000թ. օրենքով կարգավորված չէ երկու միջազգային պայմանագրերի միջև հնարավոր հակասության (կոնֆլիկտի) լուծման հարցը: Նման խնդրի լուծման համար անհրաժեշտ է կմրգել նոր պայմանագրեր, որոնք, մինչև ստորագրելը պետք է ենթարկել լուրջ փորձարնեության՝ նարդու իրավունքների պաշտպանության վերաբերյալ միջազգային պայմանագրերին հակասող դրույթների ամրագրումը բացառելու համար:

Հայաստանի Հանրապետության Սահմանադրության 81-րդ հոդվածի համաձայն՝ ՀՀ Ազգային ժողովը վավերացնում և չեղյալ է հայտարարում Հայաստանի Հանրապետության միջազգային պայմանագրերը: Ըստ որում ՀՀ Ազգային ժողովի կողմից վավերացման են ենթակա մարդու իրավունքների և պարտականությունների վերաբերյալ ՀՀ միջազգային պայմանագրերը: ՀՀ Ազգային ժողովի կողմից վավերացվելուց հետո միջազգային պայմանագրերը կազմում են Հայաստանի Հանրապետության իրավական համակարգի բաղկացուցիչ մասը: Սակայն, եթե միջազգային պայմանագրերը հակասում է ՀՀ Սահմանադրությամբ, ապա այն կարող է վավերացվել նրան Սահմանադրության մեջ համապատասխան փոփոխություններ կատարելուց հետո, որը բավկային բարդ գործընթաց է:

«Սարդու իրավունքների և հիմնարար ազատությունների պաշտպանության» կոնվենցիայի 1-ին հոդվածին համապետի դրույթ ամրագրված է ՀՀ Սահմանադրության 4-րդ հոդվածում, համաձայն որի պետությունը ազատովում է նարդու իրավունքների և ազատությունների պաշտպանությունը Սահմանադրության և օրենքների հիման վրա՝ միջազգային իրավունքի սկզբունքներին և նորմերին համապատասխան: Փաստորեն պետությունը երաշխավորում է բոլորի իրավունքների և ազատությունների պաշտպանությունը՝ ամրագրելով դրանք անմիջական գործողություն ունեցող սահմանադրական նորմերում և զարգացնելով դրանք օրենքներում:

Հայաստանի Հանրապետության Սահմանադրության 2-րդ գլուխ ամրագրված են նարդու և քաղաքացու իրավունքները և ազատությունները: Պետությունը երաշխավորում է բոլորի իրավունքները և ազատությունները, բացառությամբ այն իրավունքների, որոնք երաշխավորված են նրան Հայաստանի Հանրապետության քաղաքացիների համար: Հայաստանի Հանրապետության Սահմանադրության մեջ օտարերկրյա քաղաքացիները գրկված են որոշակի իրավունքներից, դրանք են. կոսակցություն ստեղծելու կամ դրանց անդամագրելու իրավունք (Հոդված 25), ընտրելու և ընտրվելու իրավունք (Հոդված 27), հողի նկատմամբ սեփականության իրավունք (Հոդված 28), աշխատանքի ազատ ընտրության իրավունք (Հոդված 29) և այլն: Սրանց մի մասը օտարերկրյա քաղաքացիների քաղաքական իրավունքներ են և սահմանափակվում են:

Հայաստանի Հանրապետությունում գոյություն ունեն մի շարք լորջ հիմնախնդրներ, որոնք դժվարացնում են Հայաստանի Հանրապետության կողմից վերը նշված կոնվենցիայի պահանջների կատարումը, մասնակորագլուխ ամրողացածիրականին անցնան ժամանակաշրջանի՝ ժողովրդավարական արժեքների արնատավորման դժվարությունները, նուածելակերպը, բընակչության և հաճախ նույնիսկ պետական պաշտոնաների ցածր իրավական կուլտուրան, տնտեսական ծանր դրությամբ և կենցաղային հիմնախնդրներով պայմանագրված՝ մարդկանց անտարբերությունը իրենց տարրական իրավունքների ուսնահրումների նկատմամբ և այլն: Այդ իսկ պատճառով անհրաժեշտություն է առաջանում կատարել սահմանադրական փոփոխություններ՝ սահմանադրական մակարդակով

հստակ և միանշանակ լուծելու Սահմանադրության և միջազգային պայմանագրերի միջև վավերացումից հետո առաջացած հնարավոր կոմֆիլկտների հիմնախնդիրը, օրենսդրական փոխություններ կատարելու միջոցով լուծելու միջազգային պայմանագրերի միջև հակասության հարցը (նաևնավորապես մարդու իրավունքներին վերաբերող) «Միջազգային պայմանագրերի մասին» ՀՀ օրենքում:

Սակայն միջազգային իրավունքի առաջնայնության ճանաչումը, նրա ժամանակակից դերի աճը չի նշանակում, որ ներպետական իրավական համակարգը փոխադիմում է համաշխարհային իրավական համակարգով, որ միջազգային իրավունքը դառնում է պետությունից վեր կանգնած մի ունիվերսալ իրավունք: Առաջնայնություն՝ չի նշանակում մի համակարգի կանոնը մյուսով. նրանք, ինչպես նախկինում, պահպանվում և գործում են հարաբերականորեն ինքնուրույն և փոխակապակցված: Փոփոխում է այս համակարգերի միայն փոխհարաբերությունների բնույթը: Այսպիսին է միջազգային և ներպետական իրավունքի փոխհարաբերակցության այժմյան միտումը:

Սրա հետ մեկտեղ հարկ է նշել, որ այս հարցի շուրջ կան նաև այլ կարծիքներ: Այսպես՝ Ս. Չերնիչենկոն գտնում է, որ միջազգային և ներքին իրավունքները իրավական տարրեր համակարգեր են, որոնցից ոչ մեկը մյուսի հանդեպ չունի առաջնայնություն, գործում են տարրեր բնագավառներում և տարրեր իրավական հարթություններում:<sup>6</sup> Այն հաստատվում է նաև ՀՀ Սահմանադրության 6-րդ հոդվածում. «ՀՀ Սահմանադրությունն ունի բարձրագույն իրավաբանական ուժ, և նրա նորմերը գործում են անմիջականորեն: Սահմանդրությանը հակասող ճանաչված օրենքները, ինչպես նաև Սահմանադրությանը և օրենքներին հակասող ճանաչված այլ իրավական ակտերը, իրավաբանական ուժ չունեն»:

Վերը նշված սահմանման մեկնարանումը հիմք է տալիս ենթադրել, որ միջազգային իրավունքի առաջնայնությունը ներքին՝ ՀՀ օրենսդրության նկատմամբ չի տարածվում երկրի Հիմնական Օրենքի (Սահմանադրության) վրա: Եվ նույնիսկ ՀՀ Սահմանադրության 6-րդ հոդվածի 2-րդ մասն այն մասին, որ հանրապետության Սահմանադրությունն ունի բարձրագույն իրավաբանական ուժ, և նրա նորմերը գործում են անմիջականորեն, ինք չեն տալիս ենթադրելու սահմանադրական դրույթի և միջազգային նորմերի իրավաբանական ուժի համահավասարության մասին: Օրենսդիրը ուղղակիորեն ընդունում է, որ մարդու և քաղաքացու իրավունքներն ու ազատությունները հանդիսանում են անօտարելի և անմիջականորեն ներգրածող, ճանաչվում և երաշխավորվում են ՀՀ Սահմանադրությամբ:

Պատահական չեն միջազգային և ներպետական իրավունքի հարաբերակցության հիմնախնդիրների լուծման շուրջ տարրեր նոտեցումները: Դրանք արտահայտում են ոչ միայն տարրեր հետինականների գիտական տեսակետները, այլ նաև տարրեր քաղաքական ուժերի, ինչպես նաև այս կամ այն պետությունների որոշակի շահեր:

Այսպես՝ Գ. Տունկինի<sup>7</sup> և Ս. Սարչենկոյի<sup>8</sup> կարծիքով կարելի է խսել այն ընդհանուր միտումի մասին, ըստ որի միջազգային իրավունքի առաջնայնության դերի կողմնակիցները, որպես կանոն, այն դիտում էին ուժեղ և հզոր տերությունների շահերի ոլորտ, որոնք բավական երկար ժամանակ (20-րդ դարի ընթացքում) էական ազդեցություն են գործել միջազգային իրավունքի զարգացման վրա, հանդիսացել են նրա հիմնական «օրենսդիրները» (ԱՄՆ, Մեծ Բրիտանիա, Ֆրանսիա):

Այդ պատճառով էլ Խորհրդային Սիության վիլոգումից հետո համաշխարհային տնտեսության զլորակիցացիայի դրկարինայի ազդեցության տակ միջազգային իրավունքի էության փոփոխությունների շուրջ վիճարանություններն աշխուժացած: Ակտիվ կերպով զարգացում ապրեց այն զարգափառը, որ միջազգային իրավունքը սահմանձին պետությունների (պետությունների խմբի) փոխադարձ կանքի և հետաքրքրությունների արտահայտումից բացի, ինչպիսին այն իրականում դրսուրկում է, վեր է ածկում համամարդկային արժեքների և շահերի արտահայտչի: Վերջին հաշվով այս բոլոր է

<sup>6</sup> С. Ч е р н и ч е н к о, *Международное право: современные теоретические проблемы*, М., 1993, стр. 11.

<sup>7</sup> *Международное право / Отв. ред. Г. Тункин/*, М., 1994, стр. 128-129; *Проблемы теории государства и права*, стр. 1.

տախս կյանքում կիրառել ներքին իրավունքի նկատմամբ միջազգային իրավունքի առաջնայնության սահմանան անհրաժեշտության գաղափարը։ Միջազգային հարաբերություններում և քաղաքականության մեջ տվյալ հայեցակարգի իրականացման ընթացքում հաճախ ծագում են կոլլիզիաներ և այսպիս կոչված, «երկակի ստանդարտներ»։ Նման նույնացման օրինակներ են աշխարհի խոշոր պետությունների դիրքորոշումը՝ Հարավսլավիայի (Կոստոն), Ռուսաստանի (Չեչնիա), Հայաստանի (Լեռնային Ղարաբաղ) իրադարձությունների նկատմամբ։

Սրա հետ կապված՝ ժամանակակից մի շարք պետություններ խուսափում են ներպետական և միջազգային իրավունքի հարաբերակցության հստակ ամրագրումից՝ չարձանագրելով իրենց Սահմանադրություններում մեկի առաջնայնությունը մյուսի նկատմամբ։ Սակայն սա չի վերաբերում հետխորհրդային պետությունների Սահմանադրություններին (Հայաստան, Ռուսաստան, Վրաստան, Ղազախստան, Սուվարչական և այլն), որոնք ենում են միջազգային իրավունքի առաջնայնության սկզբունքից։ Ենթադրվում է, որ սա անցումային շրջանի սահմանադրության անխուսափելի առանձնահատկությունն է։

## СОСТОЯНИЕ И ПЕРСПЕКТИВЫ ВЗАИМОДЕЙСТВИЯ МЕЖДУНАРОДНОГО И ВНУТРИГОСУДАРСТВЕННОГО ПРАВА

*Резюме*

*Л. Аветисян*

В статье акцентируется внимание на проблеме соотношения основных норм международного и внутригосударственного права. Подчеркивая то, что вся юридическая система страны базируется на Конституции Республики Армения 1995г., констатируется, что и нормы Конституции РА, и нормы международных договоров РА находятся в интегральной зависимости от норм международного права. Более того, международные договоры, заключенные РА, имеют верховенство над нормами внутригосударственного права.